

Date – 18/02/2026

Time - 7:30 -7:40 Hrs

AKASHVANI AIZAWL
REGIONAL NEWS BULLETIN
HEADLINES (MORNING)

1. Mizoram Legislative Assembly Budget Session chu vawiin hian chhunzawm leh a ni anga, nimina Governor thusawi chung a lawmthu sawina motion put luh a ni ang.
2. MPSC chuan Mizoram Civil Service Combined Competitive Examination 2025 Final Result thar nimin khan a tichhuak.
3. Prime Minister Narendra Modia chuan France nena thawhdunna nghet tak Global Strategic Partnership an siam thu a puang.
4. India leh France te chuan thawhdunna tur inremna thuthlung chi 21 an ziaik

<><><>

GOVERNOR

Mizoram Legislative Assembly Budget Session chu vawiin hian chhunzawm leh a ni anga, nimina Governor thusawi chung a lawmthu sawina motion put luh a ni ang.

Hei bakah hian zawhna leh chhanna hun hman a ni anga, MLA lo ni tawh thi te sunna hun hman a ni baw k ang.

Nimin khan Budget session hi Speaker Pu Lalbiakzama kaihhruaia tan a ni a, session tan ni ah hian Larsap Gen. Vijay Kumar Singh chuan thusawiin, ram hruaitu thiam tak te kaihhruaia hnuai h Mizoram chu remna leh muanna awmna hmun a ni chhunzawm zel tih sawiin harsatna tam tak karah ei leh bar zawna kawngah huapzo takin hmasawna hmuh zel a ni chu lawmawm a tih thu a sawi a, hmathlir fiah tak leh theihtawp chhuahna chuan engtikah emaw chuan Mizoram chu remna leh hmasawna state entawntlak takah a la siam ngei a beisei thu leh mi naran ten an suangtuahna a tak rama an chantir theih tih lantirtu a nih ngei a beisei thu a sawi a ni.

Larsap chuan a kaihhruai sorkar inrelbawl na chuan kawng tin rengah hna thaw k tha, langtlang leh mawhpurhna la ngam ni turin theihtawp an chhuah a ti a, a kaihhruai sorkar tum ber chu lo lama eizawna, hmasawna ruhrel din leh kawng hrang hrang hmangin mahni a inngat state siam a ni tih sawiin mau leh tualchhunga hmanraw awm te hman tangkai a tum a ti a, Mizoram thalaite tana kutkawih eizawna programme leh infiamna bakah an thiamna tih hmasaw n sak te chu an

ngaih pawimawh zual zingah a tel tih a ti a, tunhma atanga House ah nungchang mawi leh zahawm tak hmanga sawihona chhuanawm tak an lo neih tawh thin chu member ten an chhawmnun zel a beisei thu a sawi bawk a ni.

Governor

March ni 16 thleng aw h tur Mizoram Legislative Assembly 9-na thutkhawm vawi 6-na session-ah hian ni 26-ah kum 2026-2027 Mizoram budget chu Finance enkawltu chief minister Pu Lalduhoma'n a pharh ang.

<><><>

ASSEMBLY -GOVERNOR

Larsap General VK Singh-a'n District tina khaw pakhat talah 'Digital Crop Survey' kalpui tura tih chu tha taka bawhzui anih avangin Mizoram in cheng vaibelchhe 60 a dawng dawn a ti.

He thu hi nimina Mizoram Legislative Assembly vawi 9-na thutkhawm vawi 6-na session a hawnaah sawiin, Larsap chuan Kum 2025-26 chhung hian oil palm chingtute'n MT 5599 tharin, cheng nuai 792 sing 4 sang 5 an la lut a. Bana Kaih kaltlangin Mausenah 'Banana Fibre Extraction Unit' siam mek a ni a ti a. Muga Culture Project hnuai hamthatna dawngtu mi 565 te training pek an ni tawh bawk a. Thenzawlah nikhata artui 70,000 thar chhuah theihna tur Mega Egg Production Farm siam mek niin, 2025-26 chhungin sangha dil hectare 33.58 a zau leh sangha no khawina hectare 50.043 a zau siam a ni bawk a ti.

Larsap chuan MULCO tuai thar leh turin thla hlui ni 22 khan Cooperation Department, MULCO leh NDDDB-te chuan thawhona thuthlung an ziaak a ni.

Larsap chuan Mizoram ramri ah venhimna khauh zawk kalpui a nih hnuah cheng vaibelchhe 1, 047 man hu ruihhlo man a ni a ti a, sorkar tangka kum 2025-26 chhung khan Mizoram ramri kaltlanga dan kalha bungrua leh ruihhlo tawlhruk man chhuah a tam hle tih sawiin, hemi hun chhung hian Mizoram Police leh Central Force- Assam Rifles leh Border Security Force (BSF) te thawh hona hnuai Mizoram leh state thenawm te inrina hmuna boruak sosanna hmun leh ram thenawm te nena inrinaah dan kenkawhtute chuan cheng vaibelchhe 1, 047 man hu ruihhlo an man tih a sawi a, ruihhlo bakah hian kuhva rah, zu, ralthuam, puakthei thil leh pwaisa lem te pawh man a ni a ti a, Mizoram Police ten rim taka dan leh thupek an kenkawhna hnuai hemi hun chhung hian Mizoram chu a ralmuang hle tih a sawi bawk a ni.

Larsap chuan ruihhlo tawlhrukna leh ruihhlo hmansualna chu Mizoram sorkar chuan a ngaimawh hle tih sawiin, Mizoram Excise and Narcotics department chuan ruihhlo do kawngah nasa takin hma a la a, sorkar tangka kum kal mekah ruihhlo tawlhruk kaihnawiah mi 653 an man a, ruihhlo tawlhruk kg 487 an man bawk a ti a,

Mizoram Liquor (Prohibition) Act, 2019 pawh khauh takin Mizoram ah kalpui a ni tih sawiin, nikum October thla atanga a taka kalpui a nih atanga December thla thleng khan zu kaihnawiah mi 4, 532 man niin, thubuai 4, 915 ziahluh a nih thu a sawi bawk a ni.

<><><>

GOVERNOR- CM SPL PACKAGE

Larsap General VK Singh-a'n CM's Special Package chu a dawngtu an tam zawk theih nan cheng sing 5-ah tihhniam a ni a ti.

He thu hi nimina Mizoram Legislative Assembly Budget session a hawannaah sawiin, Larsap chuan a kaihhruai sorkar hmalakna hnuaiia sum leh pai, technical, infrastructure leh institution hmanga Mizoram mipuite thuamchakna tur Mizoram Bana Kaih Hand Holding Scheme chu a thawh hnihna kalpui a ni leh tawh a ti a, he scheme hnuaiiah hian Progress Partner engemawzat te hnenah loan pek tawh niin, Chief Minister's Special Package Grant hnuaiiah fund pek chhuah a ni tawh bawk a ti a, CM's Special Package chu a dawngtu an tam zawk theih nan cheng sing 5-ah tihhniam a nih thu a sawi bawk a ni.

Governor on CM's Special Package

Hei bakah hian Larsap chuan hmasawna daih rei leh tluantling a awm theih na turin Chief Minister's Bana Kaih Innovation Challenge din a ni bawk tih sawiin, he hmalakna in a tum ber chu inthlak danglamna hmuh theih leh hmuh theih loh thlen tir chung a Mizoram chhunga district, block leh khaw hrang hranga hmasawna hnathawhte inzawmkhawm tir a ni a ti a. Kum 2025-26 chhung khan Mizorama damdawilama inenkawlna chu nasa taka tihchak a ni tih sawiin, hemi hun chhung hian Sub-centre 17 sak zawh a ni a, NEC puihna hnuaiiah Mizoram State Cancer Institute CT Simulator chu hman theih a dah a ni a, Mizoram Universal Health Care Scheme chu ICU, private cabin, O&G OTs, leh general ward hmang te in tihchangtlun a ni a, PG medical seat 10 hawn phalna an dawn bakah damdawi in khum (private bed) 30 leh ICU khum 13 hawn a ni bawk a ti.



MPSC

Mizoram Public Service Commission MPSC chuan Mizoram Civil Service Combined Competitive Examination 2025 Final Result thar nimin khan a tichhuak a,

Result tharah hian 13-na ni a MCS atanga tling Samuel Chinsonmung New Lamka Manipur ami chu paih a ni a, MFAS aatana tling Z Lalnghakluanga Aizawl Zotlang chu MCS atan a tling thar a, 21 na MISa tling GS Zoremthuangi Khawzawl Electric Veng chu MIS atan a tling ta bawk a, MIS Panel List a pakhatna Lalremsiami Aizawl Armed Veng chu MIS ah a tling ta bawk.

Puan tawh avangin tun thla ni 9 a MPSC in Mizoram Civil Service Combined Competitive Examination 2025 Final Result a tihchhuah chu a hnukkir a, Hemi chungchanga MPSC thuchhuah tarlan danin, a tira hriat theih loh thuthar a awm avangin candidate zinga pakhat chu a tlinglo tih hmuhchhuah a ni tih sawiin a, Final result hi ennawn a, siamthat a ni dawn a, a siamthatna tihchhuah a ni veleh he result hi sut nghal a ni ang a ti.



RD MINISTER

Rural Development & Administration Department Minister Prof. Lalnilawman nimin khan MINECO-ah Mizoram State Rural Livelihoods Mission (MzSRLM) leh RD&AD-te buatsaih, RD Block 12 -a Self Help Group member-te hman tur lirthei 19 a vailiam.

Heng lirthei te hi MzSRLM scheme enkawl pakhat, Aajeevika Grameen Yojana Express (AGEY) hnuai lei a ni a, Lungsen, Aibawk, Khawbung, Tlangnuam, Lunglei, Kawrtethawveng, Zawlnuam, East Lungdar, Sangau, Thingsulthliah, Reiek leh West Phaileng RD Block a SHG te hman tur a ni.

Prof. Lalnilawma chuan SHG member-te hnena lirthei chabi a hlan hnuin thu a sawi a, Department hmalaknate tarlangin, Ropuiliani Women Farmer Producer Company kaltlangin SHG thil tharchhuahte phaiah an thawn a, hralhna tur an zawng zel tih a sawi a. Prime Minister-in a ngaih pawimawh em em, ‘Lakapati Didi’ ni thei tura kum khata nuai 1 tal la lut turin nuho chet chhuah a ngaih thu a sawi a. Ni za inhlawhna leh eizawna thlunzawm tura hma lak a ni tih sawiin, RD block tin atangin presentation an nei a, an feh kawng tur siam chhoh zel tum a ni, a ti a. ‘Selhel’ brand hmangin SHG thil tharte an zuar chhuak dawn a, ama office-ah ngei pawh he’ng thilte hi a dahna a siama a phochhuah thu a sawi a. Champhaia ‘SEL HEL Dawr’ awm chuan mit a la tiin, hmun remchang apiangah design inanga hetiang ‘SEL HEL Dawr’ hi hawn tum a ni, a ti bawk.

Prof. Lalnilawma chuan SHG member lirthei dawngte chu an mawhphurhna a san thu hrihlin, a rulh dan tur ngaihtuah tel a, an lirthei dawnte uluk taka enkawl a, insurance leh pollution test-te a hun taka tifel turin a chah a. A thusawi zawh hian Minister chuan tangkai taka nuho leh an awmna khawtlang leh chhehvel khaw mipuite’n an hman theih nan lirtheite chu a vai liam a ni.

Aajeevika Grameen Express Yojana (AGEY) hi August 2017 atanga hman tan niin, DAY-NRLM hnuai sub-scheme a ni a. AGEY-in a tum ber chu thingtlanga awm

SHG member-te sum lakluhna hmanrua tur, khaw mipuite'n tangkai taka bazar, zirna in, leh damdawi in kalna atana hman tur leh khaw chhehvel ei leh bar hmasawna thlen thei tur lirthei ruahmansak a ni a. He programme hnuaiiah hian MzSRLM atangin Cluster Level Federation (CLF)-te hnenah AGEY atana hman tur sum pek niin, pung awm lovin SHG member-te hian lirthei lei nan pukin, kum ruk chhungin an rul zo leh tur a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.



INDIA-FRANCE

Prime Minister Narendra Modia chuan France nena thawhdunna nghet tak Global Strategic Partnership an siam thu a puang. Nimin khan Prime Minster Modi leh France President Emanuel Macron-a te hi Mumbai ah an inkawm a. Ram pahnihten thawhdunna tur inremna thuthlung chi 21 an ziak a.. Hei bakah hian kumtina Foreign Ministers Dialogue neiha ram pahnihin an thawhdunna hrang hrang an tihhlawhtlin dan thlirletna leh Horizon 2047 Roadmap enhona hun hman ni se an ti a. Ram pahnihte hian India-France Year of Innovation leh India-France Innovation Network siam an rel bawk a ni.

President Macron nen thuchhuah intawm an siamah Prime Minister Narendra Modia chuan France nena thawhdunna chu an pahnih inkar chauh niloin khawvel remna leh muanna thlenna tur a ni a ti a. France chu India thawhpui ram upa berte zinga mi anih avangin a pawimawh hle a ni a ti bawk..



AI IMPACT SUMMIT

AI Impact Summit 2026 a ni hnihna nimin khan sawrkar hnathawhnaa AI pawimawhna chungchang sawiho a ni. He session hi a thupuiiah AI in Governance: Revolutionising Government Efficiency tih a ni a. Khawvel mithiam kalkhawmten sawrkar inrelbawlina kawnga AI tangkaina tur tam tak an sawiho a. Social Entrepreneur Dean Karlana'n Togo a sawrkarin mipui rawng abawlina kawnga machine learning hman dana zirbingna a neihte he hunah hian enho a ni a. AI hman tangkai anih avangin food security, rilru hriselna leh mipui nitin eibar zawna leh khawtlang nunah a hma aia hlawk zawka thil tha a thlen dante tarlan a ni.



I&B

Union Information and Broadcasting Minister Ashwini Vaishnaw chaun kum hnih chhungin ramchhunga AI huangah dollar tluklehdngawn 200 chuang sum peipunna lamah hman a ni ang a ti. Nimina India AI Impact Summit 2026 -a chanchinbumite a kawmnaah he thu hi sawiin Pu Vaishnaw chuan tun Summit chu mipuiten an hlut hle tih sawiin ramchhung hmun hrang hrang atangin an lo kalkhawm a ti a. India chuan tangkai leh awmze nei taka AI hman anih theih nan khawvel ramdangte a sawipui dawn a ti bawk.

(Newsonair)

